



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 10. Continuata Guilielmi Postelli historia, ejusque obitus.

[urn:nbn:de:hbz:466:1-67246](#)

§. X.

Sæcul. XVI.

A.C. 1581.

Continuata Guilielmi Postelli historia,
eiusque obitus.

Interea Guilielmus Postellus, quem de *Vid. Lib.*
Jesuitarum Societate expulsum jam CXLIIIL.
supra memoravimus, aliquamdiu adhuc §. XL.
Romæ agebat, ibidemque continuo suis Spoud. hoc
deliriis passim evulgandis intentus car-
ceri dabatur, in quo per plures annos
detenus, tandem vero inde fuga,
qua tamen ope ignoratur, elapsus Ve-
netias contendit, ubi, prout referunt
nonnulli, a quadam vetula infatuatus
in enormes errores ejusdem opera pro-
lapsus est, quapropter novum negotium
in hac etiam urbe sibi facescens plu-
rium hæresum postulabatur, ut tamen
fese purgaret, ultroneo carceri fese ob-
tulit, cumque Inquisitores post matu-
rum examen ipsum nonnisi deliriis cor-
ruptum deprehenderent, eum ab hæ-
resis crimine immunem declarabant,
& tanquam fatuum hominem dimitte-
bant: itaque Genavam secedens, inde
Basileam, ac denique Dividiodunum
petiit, ubi mathematicas disciplinas
tradebat. Postea anno Christi millesi-
mo quingentesimo quinquagesimo ter-
tio Lutetiam Parisiorum reversus ob fa-
naticas suas delirationes novis vexa-
tionibus exponebatur, in Germaniam

B 3

auffu-

S. eccl. XVI
A.C. 1581.

auffugere compulus, ubi in Ferdinandi Cæsaris aula tamdiu morabatur, donec omnibus erroribus suis palam retractatis in Franciam ab ipso Rege revocaretur, ac denuo Regii Professoris munus, quod jam antea obibat, recuperaret, ubi etiam Mathesin, linguasque Orientales tradebat: pluribus autem ante obitum annis Parisiis in Monasterium sancti Martini de Campis secesserat, in quo tamen ipsum omnino invitum fuisse inclusum haud satis constat, imo potius oppositum magis vero simile videtur: in hoc autem ascetrio adhucdum morabatur, cum Catharina Medicæa ipsum nominaret, ut Herculem Franciscum ejus Filium literis imbueret: verum Postellus suam solitudinem pluris habebat, quam honorem, quem ex hujus Principis institutione aucupari posset; in suo tamen recessu elucubrandis pluribus operibus insudans, ibidem die sexta Septembris anno post Christum natum millesimo quingentesimo octogesimo primo obiit, postquam ætatis suæ annum septuagesimum primum, quinque menses, & duodecim dies adimpleverat, prout ex testamento ejus tabulis patescit.

Ceterum haud diffitemur, Postellum doctissimis sui ævi Viris esse accensendum; nam id aliunde etiam ejus opera

opera, laudesque, quibus ab omnibus Sæcul. XVI.
eruditis celebratur, testatum reddunt, A.C. 1581.
præcipue tamen linguarum peritia, Phi-
losophiæ, Cosmographiæ, & Mathe-
seos eruditione inclarescebat, ac ipse
met Franciscus I. doctorum fautor, nec-
non Navarræ Regina fœmina satis eru-
dita Postellum, velut Mundi miracu-
lum, deprædicabant, pluresque Proce-
res, atque inter alios Turnonius, Lo-
tharingius, & Armeniacus Cardinales
ejus colloquio frui gaudebant, a cete-
ris quoque doctis plurimi habitus, pa-
riterque de eo paßim dicebatur, quod
ex ore ejus quot verba, tot oracula,
profluerent; verum quamvis ob suam
scientiam dilaudari mereatur, nihilo-
minus propter opinionum suarum teme-
ritatem acres censuras, ac Theologo-
rum crises sibi accersebat, cum etiam
a pluribus de Atheismi, & Deismi cri-
mine postularetur: hi tamen ejus scri-
pta haud pervoluisse videntur; nullum
enim ex illis reperire est, in quo hic
Author Divinitatem velut rem certam
non supponit, insuper libros sacros di-
vinitus inspiratos fuisse, disertis ver-
bis asserit: jam vero præcipuos recen-
sebimus errores, in quos re ipsa Postel-
lus prolapsus creditur.

Sæcul. XVI.

A.C. 1581

I. Ex ratione, & per Philosophiam omnia Christianæ Religionis dogmata, imo ipsa etiam Sanctissimæ Triadis, atque Incarnationis mysteria comprobare aggrediebatur; cum enim nativam intellectus sui vim omnium ceterorum hominum rationibus longe prævalere crederet, sibi quoque persuasum habebat, quod ejusdem rationis ope omnes totius orbis Nationes ad Christi fidem perducere posset. II. Propugnabat, quod humana Christi Domini anima unacum Verbo æterno ante mundi creationem fuerit creata, atque unita. III. Sibi imaginabatur, quod cuncta, quæ in natura habentur, in cælis, & quidem hæbraicis literis per ipsam astrorum dispositionem efformatis scripta reperiantur. IV. Fingebat, quod mundus non nisi sex annorum millibus duraturus esset, illius vero excidium præcederet omnium rerum restauratio, per quam cunctæ res ad eundem revocarentur statum, quem ante primi hominis lapsum habuissent. Ceterum non semper Postellus ejusmodi opiniones fovebat, quippe tam vehemens imaginandi vis, rerumque multitudine ejus ingenium obruens, necnon confusio, quæ sæpe in ejusdem cogitationibus dominabatur, tantum efficiebant, ut diverso tempore fen-

sententias sibi invicem omnino repug-
nantes propugnaret. Hic idem ab ini-
tio quidem Protestantibus accerrime in-
fensus videbatur, atque in suis libris
illos ultra modum insectabatur, pos-
quam vero ex omnibus totius orbis Rel-
igionibus nonnisi unicam conflare, ani-
mo constituerat, paulo modestius lo-
quebatur, atque hæreses tolerandi ne-
cessitatem spretis omnibus æquitatis
limitibus usque adeo extollebat, ut opi-
niones maxime horrendas ad sanum
sensum contorquere aggrederetur, qui-
nimo propugnare non vereretur, quod
Mahometes, æque ac Saul, veris Prophe-
tis accensendus esset, eo quod ambo quan-
doque verum pronuntiassent. Ceterum
ejus agendi ratio semper prudentiæ, ac
compositæ vitae regulis admodum con-
sona passim deprædicatur, & quamvis
librum de Joanna Matre prorsus sin-
gularem, atque ex cunctis ejus operi-
bus maxime desideratum scripserit, cui
titulum præfixit, *de mirabilissimis victo-
riis fæminarum novi orbis*, hic tamen li-
ber nil aliud est, quam luxuriantis in-
genii sui partus, necnon ostentatio suo-
rum deliriorum, quibus suam fingendi
fœcunditatem prodidit, nullatenus ta-
men exinde comprobatur, quod ejus
animus perversitate corruptus fuerit,
nec etiam valido testimonio comprobari
valent.

B 5

Sæcul. XVI. valent illæ infamiae, quibus tamen a
A.C. 1581. nonnullis notatur. (*)

§. XI.

Analysis libri: de orbis terræ concordia, a Postello editi.

Postellus in suis libris *de concordia orbis terræ*, eo collimare videtur, ut omnes totius Orbis populos ad Christianam Religionem revocet, quem in finem opus suum in quatuor partiebatur libros, in quorum primo præfatæ Religionis veritatem primitius rationibus Philosophicis comprobare nititur, & de Dei, ac sanctissimæ Triadis perfectiōibus, necnon de creatione Mundi, de morte Christi Domini, ejusque Divinitate, sacri Evangelii auctoritate, ac præcipue de immortalitate animæ disserit

(*) Haud satis mirari possumus, quod Continuator noster hunc Virum tam amplis elogiis deprædicare, atque ejusdem scelera, ac deliria tam sedulo excusare voluerit, cum tamen passim omnes Scriptores etiam Protestantes, uti Basileenses Collectores in suo Lexico, & Scriptor des gelehrten compendijsen Lexicon, pluresque alii ipsum tanquam Virum depingant, quo magis fanaticum, Religionis contemptorem, ac impium nugatorem Gallia non tulit.